

19. oktobari 2007

UKA 2007/60,61

**Nioqqutissanik eqqussuinermi akitsuutit pillugit Inatsisartut inatsisaata  
allanngortinnejnarneranik Inatsisartut inatsisissaattut siunnersuut  
(UKA2007/60)**

&

**Imigassat ethanolimik akullit Kalaallit Nunaanni sananeqarsimasut akitsuutaat  
pillugit Inatsisartut inatsisaata allanngortinnejnarneranik Inatsisartut  
inatsisissaattut siunnersuut  
(UKA2007/61)**

**pillugit**

**Inatsisartut Akileraartarnermut Akitsuusiiarnermullu Ataatsimiititaliaata  
aamma**

**Inatsisartut Aningaasaqarnermut Ataatsimiititaliaata**

### **ISUMALIUTISSIISUTAAT**

**siunnersuutit aappassaaneerneqarneranni saqqummiunneqartut**

**Inatsisartut Akileraartarnermut Akitsuusiiarnermullu Ataatsimiititaliaat  
suliariinninnermini ukuninnga inuttaqarpoq:**

Inatsisartunut ilaasortaq Kristian Jeremiassen (Atassut), siulittaasoq  
Inatsisartunut ilaasortaq Juliane Henningsen (Inuit Ataqatigiit)  
Inatsisartunut ilaasortaq Lene Knüppel (Demokraatit)  
Inatsisartunut ilaasortaq Ruth Heilmann (Siumut) – Agnethe Davidsenimut  
sinniisussaq  
Inatsisartunut ilaasortaq Ole Thorleifsen (Siumut) – Jens-Lars Fleischerimut  
sinniisussaq

**Inatsisartut Aningaasaqarnermut Ataatsimiititaliaat suliarinninnermini  
ukuninnga inuttaqarpoq:**

Inatsisartunut ilaasortaq Ruth Heilmann (Siumut), siulittaasuugallartoq  
Inatsisartunut ilaasortaq Naja Petersen, (Atassut), siulittaasumut tulliugallartoq –

Augusta Salling-imut sinniisussaq  
Inatsisartunut ilaasortaq Ane Hansen (Inuit Ataqatigiit), Agathe Fontain-imut  
sinniisussaq  
Inatsisartunut ilaasortaq Palle Christiansen (Demokraatit)  
Inatsisartunut ilaasortaq Ole Thorleifsen (Siumut) –Jens-Lars Fleischer-imut  
sinniisussaq

Inatsisartut Aningaasaqarnermut Ataatsimiitaliaata aamma Akileraartarnermut  
Akitsuusiisarnermullu Ataatsimiitaliaata UKA 2007-mi siullermeerinermitik  
kingorna siunnersuut nassuaatai ilanngullugit misissuataarpaat.

### **Siunnersuut imarisaat aningaasaqarnikkullu kingunerisassaat**

UKA 2007/60-mi tunisassianut tulliini taagorneqartunut eqqussuinermut akitsuutit  
qaffanneqassasut siunnersuutigineqarpoq:

Sukkut suugaluartulluunniit, imigassat ethanolimik akullit, mineralvandit,  
sodavandit, limonadit imeruersaatillu kulisyrimik akullit allat, imeruersaatit akusassat  
tupanillu nioqqusiat arlaqartut.

Siunnersuut ukiumi aningaasaliiviusumi 2008-mi ukiunilu missingersuusiorfiusuni  
78 mio. kr. missaannik ukiumut iluanaaruteqarnerussutinik isertitsissutaassasoq  
naatsorsuutigineqarpoq. Taakkununngalu ilanngutassaapput annikinnerusumik  
iluanaaruteqarnerussuteqarneq 8 mio. kr.-nut 2007-mi missingerneqartoq.

Annertussutsinut maanna atuuttunut sanilliullugu nioqqtissat kalluarneqartut  
atugaanerat akitsuutinik qaffaanerup nassatarisaanik 10 pct.-inik appariarnissaat  
naatsorsuutigalugu iluanaaru-tissatut missingersuutit tunngaveqartinneqarput.

UKA 2007/61-mi siunnersuutigineqarpoq imigassat ethanolimik akullit Kalaallit  
Nunaanni ni-oqqusiarineqartut akitsuuserneqassasut. Tamatuma saniatigut,  
mineralvandit, sodavandit, limonadit aamma kulisyrelinnik imeruersaatit allat  
Kalaallit Nunaannit nioqqusiarineqartut akitsuuserneqassasut  
siunnersuutigineqarpoq.

Imeruersaatit taamaattut, nunatsinni avataaniluunniit nioqqusiarineqarsimaneri  
apeqquaatinna-gu, assigiaamik akitsuuserneqarnissaasa qulakkeerneqarnissaa  
inatsisissatut siunnersuutip siunertaraa.

Ukiumi aningaasaliiviusumi 2008-mi ukiunilu missingersuusiorfiusuni 22 mio.kr.-  
nik siunnersuut Naalakkersuisunut iluanaaruteqarnerussutinik isertitaqaataassasoq  
naatsorsuutigineqarpoq. 2007-mut iluanaaruteqarnerussutit 1 mio.kr.-inik  
annikinnerussasut naatsorsuutigineqarpoq.

Annertussutsinut maanna atuuttunut sanilliullugu nioqqtissat kalluarneqartut atugaanerat akitsuutinik qaffaanerup nassatarisaanik annikitsumik appariaateqassasut naatsorsuutigalugu iluanaarutissatut missingersuutit tunngaveqartinneqarput.

### **Aningaasaqarnikkut ataatsimut kinguneqaatissat**

Ataatsimut isigalugu Naalakkersuisut naatsorsuutigaat siunnersuutit taakku marluk 2008-mi ukiunilu missingersuusiorfiusuni katillugit 100 mio.kr.-nik nunatta karsianut iluanaaruteqarnerussutaassasut. Aningaasat taakku konto pingaardeq 24.13.50-mi, Akileraarutitigut Akitsusiinertigullu sillimmatitut isertitaqarnerussutaasussatut 2008-mut aningaasanut inatsisissatut siunnersuummi saqqummiunneqartumi naatsorsuutigisatut ilanngunneqarput.

Tamatuma saniatigut siunnersuutit 2007-mi 9 mio.kr. pallillugit annertussusilinnik katillugit iluanaarutikinnerussutaasssapput.

### **Inassuteqaatit**

Ataatsimiititaliani ikinnerussutillet, Demokraatineersut, siunnersuutit pillugit ima oqaaseqarumapput:

Demokraatit ilaasortaatitaat siunnersuutit saqqummiunneqartut isumaqatiginngilaat.

Siunnersuutit taaneqartut marluk Inatsisartuni akuersissutigineqarpata akileraarutitigut akitsuuti-tigullu tamakkiisumik inuinnarnut nammatastiinerup annertusineqarnissaa Demokraatit akerleraat. Akileraarutit akitsuutillu maannakkut qaffasissusii naleqquttuupput qaffanneqartariaqaratillu.

Inuaqatigiit akitsuutinik nutaanik pisussaaffilernerinut taarsiullugu Naalakkersuisut naleqquttunik nuussuisariaqarsimagaluartut missingersuusianillu pitsangorsaasimasariaqarluuartut, taamaalillutilu isertitassarsiorfissat nutaat pillugit Demokraatit siunnersuutaannik malinnissimassagaluartut Demokraatit isumaqarput.

Akitsuutinik qaffaaneq Naalakkersuisut periarfissatut kingullertut atorsimasariaqarluarpaat, a-kitsuutimmi akitsuutillu qaffannerisigut aningaasanik aqtsineq peqqinnartoq tutsuiginartorlu taarserneqarsinnaanngimmat.

Tamatuma saniatigut eqqussuinermut akitsuutit qaffanneqarnerata annertunersaa inuuiarnikkut pitsaanngitsumik sunniuteqassammat Demokraatinit uparuassallugu pingartuuvoq. Kalaallit Nunaanni imigassat tupanillu nioqqusiat aikii nunarsuarmi akiusut qaffasinnerpaat ilagigaluraat akitsuutit nammineerlutik annertuutut taasarialimmik atuinermik appartitsisuusimanngillat. Imigassamik tupamillu atuineq piffissami sivikitsumi naatsorsuutigineqarsinnaasutut akitsuutinik qaffaanngikkallarnertulli annertussuseqalerpata inuaqatigiinni isertitakinnerpaanut ingammik aningaasaqarniarnikkut ajorseriaammik kinguneqassapput.

**Ataatsimiititaliani ikinnerussutillit, Inuit Ataqatigiinneersut, siunnersuutit pillugit ima oqaaseqarumapput:**

Inuit Ataqatigiit Inatsisartut inatsisissaannut siunnersuutit qulequtami taaneqartut ataatsimilluunniit akuerisinnaangilaat makku tunngavigalugit:

- Innuttaasut naligiinnerusumik atugaqalernissaannik anguniakkap innuttaasullu assigiimmik periarfissinnejarnissaannik anguniakkap piviusunngortikkiartuaarnissaanut akileraartarnikkut iluarsaaqqinnerit sakkugissallugit patajaannerpaasutut isumaqarfingigut.
- Aningaasatigut pissakinnerit pissarissaartullu akornanni qunnersuaq angeqisoq mikinerulersittariaqarpoq, taamaattumik isertitaqqortussuseq najoqqutaralugu akileraartalernissaq siunnersuutigaarpot.
- Isumalluutitsinnik uumassusilinnik atuinermut akiliuteqartalernissaq pilersinneqatariaqartoq.
- Akitsuutinut tunngatillugu Inuit Ataqatigiit tungaannit piareersimavugut akitsuutit pinngortitamut avatangiisinullu illersuinissamik siunnerfillit oqaloqataaffigissallugit, taamaattorli taakkua pinngitsooratik innuttaasunut aningaasakillioreersunut eqornerluissanngitsut.  
Paatsorneqarsinnaanngitsumik nalunaarutigaarpot inuit akornanni inuuniarnikkut assigiinngissitsinerit akuersarsinnaanatigut, taamaattoqassagaluarpat inuit naligiinngeqisumik atugassaqartinnejarnerat attiinnarneqassamat.
- Akitsuutit inatsisissatut siunnersuutini taaneqartut inunnik aningaasaqarniarnikkut atugarissaanngitsunik nammakkiinerpaajusarput.
- Innuttaasuni aningaasatigut inissisimanerit naligiissarnissaannut naapertuunnerulersinnissaannullu Inatsisartuni ikinnerussuteqartut kisimik piumassuseqartut.

**Taamaammat Ataatsimiititaliani ikinnerussutillit inassutigaat siunnersuutit**  
**Inatsisartunit itigar-titsissutigineqassasut.**

**Ataatsimiititaliani amerlanerussutillit Siumup Atassutillu ilaasortaatitaat, siunnersuutit pillugit oqaaseqarput:**

2008-mut aningaasanut inatsisissatut siunnersuummi aningaasaliinissamik pisariaqartitsineq siunnersuutitigut marlutsigut naammassineqarpoq. Tamatuma saniatigut siunnersuutit peqqinnissamut naapertuuttumik siunertaqarput. Taamaallillutillu siunnersuutit tunisassianut peqqinnissamut ajoqutaasunik arlaqartunik atuinermut annikillisitsinermut, soorlu sukkunut imigassamullu, atussallugit naleqquyttuupput, tamannalu pitsaasuusoq oqaatigisariaqarluni.

**Ataatsimiititaliani **amerlanerussutillit** tamanna tunngavigalugu **inassutigaat** siunnersuutit Inatsisartut **akuersissutigissagaat**.**

Taama oqaaseqarlutik ataatsimiititaliat siunnersuutit aappassaaniigassanngortippaat.

**Inatsisartut  
Akileraartarnermut  
Akitsuusiistarnermullu  
Ataatsimiititaliaannit:**

**Inatsisartut  
Aningaasaqarnermut  
Ataatsimiititaliaannit:**

Kristian Jeremiassen  
(A),  
Siulittaasoq

Ruth Heilmann (S),  
Siulittaasuugallartoq

Juliane Henningsen (IA)

Naja Petersen (A)

Lene Knüppel (D)

Palle Christiansen (D)

Ruth Heilmann (S)

Ane Hansen (IA)

Ole Thorleifsen (S)

Ole Thorleifsen (S)